

Canzuni 'ncazzata

Picciotti, ca ci futtinu sapiti
tant'anni fa scinniu Garibaldi
ma doppu vinniru i canazzi
c'ha misiru 'nto culu.

Sta bedda terra nostra s'a spurparu
lu tempu ri Nurmanni si nne ghiutu
cu l'ossa ca ristarù
ci fannu puru u broru

Carabinieri e liggi nun chianciti
nun ci puntati supra li vostr'armi.
'Ncatinati ddu gran fangu
ca a Roma 'nchiappa tuttu.

Ci su rimasti l'occhi senza chiantu
Dda supra fannu a Liga e su 'ncazzati
ma c'hannu a panza china.
Ci si incazzamu nui!

Sintiti, picciotti, sintiti
Inchiti chiazzi, strati e ciardini
Lu tempu ri Vespri è turnatu
Apriti finestri, porti e barcuni
ramucci 'ntesta a sti quattru curnuti.

Sintiti, picciotti, sintiti
Lu chiantu ri figghi e ri matri
Li ammi e li vrazza spaccati
La carni ca brucia
Lu ventu ca passa e t'allorda ri sangu

Sintiti, picciotti, sintiti
Da lu Cuntinenti stanno scinnennu lupi e canazzi
Chiutivi 'ncasa
Pi strati un lassati picciriddi a ghiucari

Sintiti, picciotti, sintiti
Sti lupi e canazzi lordanu tuttu, casi e palazzi
strati e cristiani,

Mancianu tuttu, puru la fami
Ca c'avemu rintra

Viniti, piccioti, scinniti ne chiazzi
Pigghiati vastuna,
facemu scappari lupi e canazzi
rumpemuci l'ossa a sti quattru curnuti
Pi fari chiu bedda sta bedda Sicilia